



**VLADA FEDERACIJE
BOSNE I HERCEGOVINE**

471

Na osnovu člana 19. stav 1. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), člana 264. stav 5. Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09) i člana 11. alineja 5. Zakona o privrednim komorama u Federaciji Bosne i Hercegovine ("Službene novine Federacije BiH", br. 35/98 i 34/03), Vlada Federacije Bosne i Hercegovine, na nastavku 5. sjednice održane 21. aprila 2011. godine, donosi

UREDBU

**O IZMJENAMA UREDBE O USAVRŠAVANJU
PREDSJEDNIKA I ČLANOVA NADZORNIH ODBORA I
UPRAVA DRUŠTAVA SA VEĆINSKIM UČEŠĆEM
DRŽAVNOG KAPITALA**

Član 1.

U Uredbi o usavršavanju predsjednika i članova nadzornih odbora i uprava privrednih društava sa većinskim učešćem državnog kapitala ("Službene novine Federacije BiH", br. 71/09 i 33/10), član 9. mijenja se i glasi:

"Predsjednici i članovi nadzornih odbora i uprava privrednih društava sa učešćem državnog kapitala, čiji mandat je u toku, i lica koja su kandidati za izbor i imenovanje za predsjednike i članove nadzornih odbora i uprava privrednih društava sa učešćem državnog kapitala, u postupcima koji nisu okončani do dana stupanja na snagu ove uredbe, dužna su završiti usavršavanje u roku od 2 godine od stupanja na snagu Uredbe o usavršavanju predsjednika i članova nadzornih odbora i uprava privrednih društava sa većinskim učešćem državnog kapitala ("Službene novine Federacije BiH", br. 71/09 i 33/10).

Usavršavanje iz stava 1. ovog člana vrši se na način i u postupku utvrđenom ovom uredbom."

Član 2.

Ova uredba stupa na snagu narednog dana od dana objavljivanja u "Službenim novinama Federacije BiH".

V broj 354/11
21. aprila/travnja 2011. godine
Sarajevo

Premijer
Nermin Nikšić, s. r.

472

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), člana 4. tačka 3. i član 5. stav 1. Zakona o kontroli cijena ("Službene novine Federacije BiH", br. 2/95 i 70/08), člana 31. stav 1. Uredbe o organizaciji i regulaciji gasne privrede ("Službene novine Federacije BiH", broj 83/07), u vezi sa tačkom II Odluke o mjerama neposredne kontrole određenih proizvoda i usluga od interesa za Federaciju Bosne i Hercegovine ("Službene novine Federacije BiH", broj 34/09), Vlada Federacije Bosne i Hercegovine, na 5. sjednici održanoj 14. aprila 2011. godine, donosi

ODLUKU

**O DAVANJU SAGLASNOSTI NA CIJENU PRIRODNOG
GASA**

I.

Daje se saglasnost na Odluku Nadzornog odbora "BH-gas" d.o.o. Sarajevo broj NO-867 od 25.02.2011. godine, koja je sastavni dio ove odluke.

Veleprodajna cijena prirodnog gasa za distributivna privredna društva na području Federacije Bosne i Hercegovine, počevši od 01.05.2011. godine iznosi 720,00 KM/1000 Sm³, odnosno 0,72 KM/Sm³, Sm³ (t=15°C, p=1,01325 bar, važeći uslovi za Bosnu i Hercegovinu), donja toplotna vrijednost prirodnog gasa (Hd = 34.075,60 kJ/Sm³).

II.

U cijenu prirodnog gasa iz tačke I. ove odluke, nije uračunat porez na dodanu vrijednost.

III.

Za realizaciju ove odluke zadužuju se Federalno ministarstvo energije, rudarstva i industrije i Federalno ministarstvo trgovine, svako u okviru svog ovlaštenja.

IV.

Danom stupanja na snagu ove odluke prestaje da važi Odluka o davanju saglasnosti na cijenu prirodnog gasa ("Službene novine Federacije BiH", broj 27/10).

V.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 356/11
14. aprila 2011. godine
Sarajevo

Premijer
Nermin Nikšić, s. r.